

# 清朝治理新疆方略彙編

主編 張羽新  
副主編 張雙志 趙曙青

整理編纂 張羽新 張雙志

第六冊

學苑出版社

平定準噶爾方略

(清)傅恒等 撰

(三)

# 第六册目录

平定準噶爾方略(三)

平定邊防方略正編卷之四十八

乾隆二十三年春正月己丑

諭加給陝甘買補營馬及屯田牛隻官價

上諭大學士曰據黃廷桂奏稱現在陝甘買補猶缺

營馬官價八兩實有不敷及買解巴里坤等處屯

田牛隻請於官價四兩四錢外添給一兩六錢等

語兩省連年需馬甚多市價未免昂貴若拘定成

至選邊防方略卷四十八

例誠有不敷著於定價八兩外准其加給二兩至

牛隻係本省農民所需用時屆春耕不惟官價四

兩四錢不足即增一兩六錢亦未必充裕若再加

二兩給以官平足數採買自屬易集而閭閻亦無

滋累因此次購辦過多特格外加恩以示體卹後

不為例

以接濟軍營牛馬事宜

諭大學士管陝甘總督黃廷桂

上諭軍機大臣曰據黃廷桂奏稱川省既無黃牛而

晉省驛馬多老不堪用已諭開泰等永寧停其購

辦但令晉省於標營內挑取不中乘騎之驛馬一

二千匹解甘備用至軍營牛馬自應充裕現命軍

機大臣於太僕寺上駟院牛馬驛內挑取亦可以

資接濟著傳諭知之

至選邊防方略卷四十八

庚寅

諭定邊將軍兆惠等奮勉相機進剿

上諭軍機大臣曰昨因將軍成袞扎布等辦理進剿

毫無端緒業已分別示懲兆惠策布登扎布富德

等領兵勦賊當以為戒同心協力自可奏功此時

如逆賊阿睦爾撒納有竊發之信即將勦除賊黨

及辦理回部之事暫行停止專意擒拿若無信息

則將沙喇學勒賊眾回部諸城於本年內謀殺方

為妥協數年來屢次用兵自當休息即阿逆未就

擒獲亦可相機辦理著傳諭兆惠策布登扎布富

德等知之

諭奏贊大臣雅爾哈善等傳示阿奇木伯克霍集斯

上諭軍機大臣曰從前平定伊犁時達瓦齊敗走回

部為圖爾精阿奇木伯克霍集斯等遣阿訶爾瑪

至選邊防方略卷四十八

特擒送軍營不知此時圖爾精地方尚係伯克霍

集斯辦事抑或更替他人可傳諭雅爾哈善等於

進兵時訪問若仍係伯克霍集斯辦事則即向伊

等云爾等從前將達瓦齊擒獻係有功之人皇上

即施恩賞賚尚欲陸續加恩因辦理厄魯特等無

暇今厄魯特等俱已平定領兵前來專為問兩和

卓木之罪與爾等無涉爾等惟誠心效順自必永

承恩澤仍酌賞銀疋等物以示獎勵凡大兵經過

地方皆當如此宣示及酌量獎賞俾回人聞風歸

嚮或將逆酋拿送亦未可定即不然而眾心內附

逆酋等自必力窮無助我兵擒勦亦易如歸附人

等有奮勉行走者更宜核實獎賞雅爾哈善等當

加意辦理

諭定邊將軍兆惠等專辦進剿沙喇學勒賊眾

至選邊防方略卷四十八

上諭軍機大臣曰兆惠等奏稱正月內馬匹送到即

進剿巴圖爾烏巴什等再往葉爾羌喀什噶爾擒

拿波羅泥都霍集占倘辦不隨意不能即入回部

則且屯田積穀市哈薩克健馬俟次年整兵再進

等語兆惠等所見亦是但不可有意遲疑惟當相

援以應如上年進兵時即計及辦理回部其後竟

託空言今謂賊人在沙喇學勒恐又復他往或向

內來俱未可定。若伊等果在沙喇孛勒坐食勢必  
貧人盜竊其富家不堪為命。互相殺害。斷無安靜  
之理。我兵乘機取之甚易。兆惠所奏。未免豫留地  
步。即非有心觀望。而怯懦固其本懷。以為事若無  
成。伊已先為奏及。不知臨時果有阻滯。即俟次年  
辦理。又有何礙。况策布登扎布陛辭日。朕已諭今  
年儘力趕辦。如趕辦不及。即明歲辦理亦可。且辦

五

理回部。現諭添派綠旗兵八千名。兆惠惟帶原議  
四十兵前往沙喇孛勒。其辦理回部。已命雅爾哈  
善額敏和卓前往。觀今日兆惠所奏。顯係以兵少  
為礙。欲留雅爾哈善所帶之索倫兵一千用壯聲  
勢耳。可於綠旗兵八千內。派出一千。合原議之四  
千兵。前往沙喇孛勒。其索倫兵一千。仍令雅爾哈  
善帶往。

以專責成。但兆惠既言畏難。心雅爾哈善至今  
猶未至。曾克察克朕心。恐為慮念。辦理沙喇孛勒  
賊眾。已派兵五千自屬給。如兆惠等宜加意督勦。  
不留餘孽。若仍不能集事。朕惟兆惠是問。至由庫  
車向克蘇進兵回部。雅爾哈善性與額敏和卓同  
心協力。資其計畫。加以鼓舞。不可稍存歧視。再額  
敏和卓所屬之回兵。亦屬可用。宜向彼商酌。派出

七

或待一千。或得數百。即將綠旗兵照數撥除。此項  
撥除兵丁。所得分例者。賞給回兵。  
分派直省大員。專司巡察臺站。

上諭軍機大臣曰。自京至巴里坤所設臺站。向俱特  
派人員巡察。今觀內地軍臺遞送事件。較前稍覺  
遲滯。總因日久懈弛。馬匹亦多疲乏者。將直隸軍  
臺事務。交按察使永寧。山西軍臺。交按察使明山

諭恭贊大臣雅爾哈善等專辦進勦回部

上諭軍機大臣曰。朕因兆惠有辦理靈時之處。已命  
專辦沙喇孛勒賊眾。其葉爾羌喀什噶爾回部。令  
雅爾哈善額敏和卓二人辦理。已添派綠旗兵八  
千名。合之雅爾哈善所帶索倫兵一千。自足敷用。  
額敏和卓熟悉回部情形。伊等盡心商酌。以奏膚  
功。即或今歲不能竣事。惟整兵前進。蹂其禾稼。振

六

旅而遷。彼力自絀。將來進取更易。至額敏和卓傳  
示庫車回人之事。及此次進兵。何時起程。作何辦  
理。著即行奏聞。再兆惠處待商頗多。雅爾哈善進  
兵時。可吞取數人。以備差遣。

辛卯

申諭將軍大臣進勦事宜

上諭軍機大臣曰。昨命兆惠雅爾哈善等分路進勦。

陝西軍臺。交布政使武忱。自甘肅至巴里坤軍臺。  
交巡撫吳達善。專司巡察管理。如馬匹有疲乏者。  
或令更換。或於事簡臺路。調撥壯健者。應用。其應  
如何辦理之處。即各具摺奏聞。

命獎歸巴里坤至軍營臺站官兵。

上諭軍機大臣曰。數年進兵以來。自巴里坤至軍營。  
所設臺站官兵。馳送事件。尚無貽誤。且有勦殺賊

八

眾。奪回劫擄官物者。應加特恩。以示獎勵。著永貴  
吳達善查明臺站筆帖式內。有遇賊勦殺奪回官  
物者。或即題補本部主事。或交部議敘。請旨。其餘  
兵丁。獎賞兩月錢糧。巴里坤以外臺站事務。即著  
永貴巡察管理。臺馬有疲乏者。即會同吳達善等  
調撥更換。

壬辰

諭續送軍營馬匹派給魯克察克之索倫兵丁。  
 上諭軍機大臣曰。昨命黃廷桂再辦馬二千匹。留富紹於巴里坤。續送烏魯木齊軍營。今雅爾哈善領兵田魯克察克進發。著改送魯克察克。分給所領索倫兵一千名。富紹將馬匹交收後。即在雅爾哈善隊內行走。其巴圖濟爾噶爾郭木尼勒圖將前起馬匹。送至烏魯木齊。即在軍營行走。可傳諭兆惠雅爾哈善富紹等知之。

五  
九

申諭恭親王大臣雅爾哈善辦理回部事宜。  
 上諭軍機大臣曰。朕昨諭雅爾哈善將額敏和卓所屬回兵。派出進剿。因伊等情形熟悉。而額敏和卓亦便於指使。但恐回人馬匹不敷。著傳諭雅爾哈善將原派綠旗兵。每人馬一匹。照數給與回兵。此次辦理回部。朕專交雅爾哈善額敏和卓二人應

進兵時。卽一面具奏。一面起程。惟知會將軍兆惠。毋庸往返咨商。再雅爾哈善等由阿克蘇庫車進取葉爾羌喀什噶爾等城。所有收穫器什。除應交內府者酌量齎送外。其衣服等物。卽發賞兵丁。至軍器馬駝。尤當盡行查取。以給軍用。

諭定邊將軍兆惠等進剿賊衆事宜。  
 上諭軍機大臣曰。聞向來進兵時。自哨探兵丁外。又派數十人。瞭望謂之墨爾根哨探兵。凡行兵進發。哨探特爲豫偵賊人信息。掩其不備之意。今於哨探隊前。復遣人行走。設爲賊所窺。得以豫作準備。而大兵遠隔。一時不能猝至。轉似與賊送信者。是名爲審慎。其實自示怯懦。有何裨益。此次進兵。不過與大營相去四五十里間。遣發哨探。一見賊踪。卽行馳報。則大隊兵丁。自可接隨迎擊。至厄魯

五  
十

特性習反覆無定。往往自相戕害。從前達瓦齊在伊犁時。人心尚且譁散。今日豈有堪爲統率之人。卽如巴圖爾烏巴什。亦嘗收合黨衆。究未聞推爲台吉。今又伏身謀則。哈薩克錫喇等小醜。焉能使衆賊服從。且厄魯特等已成嗎哈沁。冬寒窟伏。棲止一處。必致互相爭奪。大兵乘其潰亂。迅往襲擊。立可奏功。兆惠等勿因其烏合之衆。過爲顧慮。

五  
十一

卽遵朕節次。諭旨相機辦理。  
 申諭戶部侍郎阿里衮等酌量剿賊撤兵。  
 上諭軍機大臣曰。據阿里衮等奏稱。現在前往庫車。於所到山谷內。搜捕嗎哈沁偵探賊人踪跡等語。阿里衮等前次奏事。距今二十餘日。朕心深爲慮念。今雖稱尋踪追賊。然伊等兵馬之力。如何未見奏及。前已降旨。令伊等撤兵。令額敏和卓同雅爾

哈善辦理回部。此時能收服庫車回衆。固善。否則竟回游牧。暫息。再整兵往魯克察克。一切與雅爾哈善商酌辦理。阿里衮亦不必前赴軍營。仍回巴里坤辦事。

癸巳  
 甲午  
 命革職原任巡撫盧焯。在巴里坤辦理糧餉。處効力。

五  
十二

命副都統濟福等馳驛前往青海辦事。  
 上諭軍機大臣曰。副都統濟福帶領乾清門二等侍衛查拉豐阿察哈爾二等侍衛那木查爾差往青海。有應辦事件。濟福著賞銀五十兩。查拉豐阿那木查爾各賞銀三十兩。整裝馳驛前往。  
 諭副都統濟福等備勘沙喇斯瑪呼斯賊衆。  
 上諭軍機大臣曰。去年進剿厄魯特叛賊餘黨分路

逃竄近據阿里衮等奏稱沙喇斯瑪呼斯賊人俱  
逃向愛什瑪山之東南察其踪跡應在呼爾塔克  
山羅卜淖爾等處藏匿等語羅卜淖爾等處與噶  
斯相近可通青海或賊人逃往彼處亦未可定因  
特派濟福查拉豐阿那木查兩前赴西寧與副都  
統德爾素青海郡王索諾木丹津貝子那木查爾  
策凌等會同辦理濟福等至西寧德爾素即同往

聖鑒事 三

青海令索諾木丹津等派兵一千聽候調遣仍選  
派熟識路徑兵丁三四十名交查拉豐阿那木查  
爾等帶往噶斯一路跟尋賊人踪跡若有藏匿逃  
竄之厄魯特等查拉豐阿報知濟福等即帶兵前  
往搜剿若並無踪跡查拉豐阿等亦即回京濟福  
可傳諭索諾木丹津等整為豫備小必宜露

論恭贊大臣雅爾哈善等酌辦沙喇斯瑪呼斯賊眾

是但舒赫德已革職令於軍營効力將軍等遣往  
魯克察克辦理沙喇斯等賊眾看來非伊所能承  
辦可傳諭雅爾哈善等就近堵剿若賊踪甚遠亦  
無關緊要即於進剿回部之便再為搜捕亦可舒  
赫德不必在魯克察克即遣回軍營効力贖罪至  
屯田一事實為要務亦傳諭雅爾哈善承貴等矣  
雅爾哈善在軍營無應辦之事著遣玉魯克察克

聖鑒事 五

與承貴商辦一切若屆進剿回部之期即宜奮勉  
前往

乙未

命優卹哲卜尊丹巴胡土克圖  
上諭軍機大臣日喀爾喀親王桑舉多爾濟等奏稱  
哲卜尊丹巴胡土克圖於去冬圍寂等語哲卜尊  
丹巴胡土克圖係喀爾喀四部落遺奉之大喇嘛

事宜

上諭軍機大臣日喀爾喀親王桑舉多爾濟等奏稱  
向愛什瑪山之東南呼爾塔克山逃去呼爾塔克  
山與羅卜淖爾相近等語因披覽地圖呼爾塔克  
山羅卜淖爾等處與魯克察克相近未知阿里衮  
會否行文雅爾哈善等可傳諭雅爾哈善在魯克  
察克一帶留心訪查此時阿里衮已追及賊人

聖鑒事 古

固善倘又逃往他處或向噶斯一路已調青海蒙  
古兵丁預備堵截再呼爾塔克山等處既與魯克  
察克相近去巴里坤亦當不遠巴里坤大臣等亦  
應遠設卡倫加意瞭望如有賊人踪跡即行搜剿  
似此分途防範賊眾自難藏匿又

諭日據舒赫德等奏稱開展秋收豐稔已行文責廷  
特派綠旗兵四百名今歲廣為墾種等語所辦尚

雖不比前人德壽兼全久興黃教然伊在時亦能  
作興黃教極力安眾朕用是疊沛恩施常加優禮  
今聞固寂深為軫惻著加給教教安眾喇嘛封誥  
印信照舊例頒賜器幣鞍馬品物以示優卹

丙申

諭乾清門頭等侍衛官長保獎勵內大臣察達克

上諭軍機大臣日喀爾喀親王桑舉多爾濟等奏稱

等呈稱遣官將訪查阿睦爾撒納信息傳諭察達  
克察達克以遺人前往俄羅斯恐形跡可疑於事  
無益查俄羅斯國剛外有從前逃走之烏果海特  
楞古特擬帶兵以擒拿逃人為名訪取阿逆確信  
若可擒拿即行呈報等語察達克所見甚是近因  
此事特命官長保前往著傳諭官長保獎勵察達  
克即就伊所見相機辦理阿逆若果在俄羅斯國

喇附近。毋論內外。酌量擒擊。若相離甚遠。不必輕進。即訪取確信。作速奏聞。再伊等往俄羅斯圖喇時。官長保自宜同行。如察達克等有恐內廷侍衛分功之意。即不必前往。

丁酉。

命議敘甘肅辦解馬匹官員。

上諭大學士曰。據巴里坤辦事大臣等奏稱甘肅解

送軍營馬一萬二千匹。俱陸續妥協解到。今已辦理起程等語。黃廷桂辦解軍營馬匹。妥協無誤。深屬可嘉。黃廷桂及承辦馬匹官員。俱交部議敘。其解送馬匹至巴里坤官兵。著黃廷桂查明。官員交部議敘。兵丁酌量加恩賞給。以示鼓勵。

戊戌。

命喀爾喀扎木巴勒多爾濟喇嘛掌管喀木布諾門

汗印信。

上諭軍機大臣曰。據桑業多爾濟奏稱。尚卓特巴遜

都卜多爾濟等請將扎木巴勒多爾濟掌管經教。眾心悅服等語。著照所請。將喀木布諾門汗之印。給與扎木巴勒多爾濟掌管。勸宣黃教。約束喇嘛。其尚卓特巴遜都卜多爾濟著協辦事務。

命解送回人阿卜都爾瑪來京。

軍機大臣奏言。哈密拘禁莽噶里克差遣之回

人阿卜都爾瑪。及跟隨阿舒爾瑪特。三達色前來之回人厄魯特。共二十三人。查阿舒爾瑪特。三達色。等送京城時。阿舒爾瑪特於途次病故。現在拘禁之阿卜都爾瑪。係莽噶里克差探信。息之人。應行正法。其餘二十二人。分賞額敏和卓。主素富之處。請

旨遵行。奏入。得

旨。著將阿卜都爾瑪解送來京。

庚子。

命停止副都統愛隆阿議敘。

定邊將軍兆惠奏言。據副都統愛隆阿呈稱。伊從前擒拿巴雅爾。與哈薩克對陣。奪回奇徹布尸骸。恭贊大臣富德。俱未奏報等語。臣等照伊

原呈查詢富德。據稱查從前愛隆阿原報。並無奪回奇徹布尸骸之語。查前隨從奇徹布兵丁麟保。詰卜奇。俱云。伊一人護守尸骸。送赴軍營。愛隆阿欲留奇徹布之馬。經貝勒羅卜藏多爾濟勸解。始發給駝載。至擒拿巴雅爾後。即委羅卜藏多爾濟。愛隆阿等。將官兵功次呈報。將愛隆阿領隊行走之處。特為聲明。業經蒙

恩。交部議敘。惟圖倫莽達禮蓋等。因一時遺漏。復補

請加

恩。地無隱匿等語。臣等查愛隆阿呈詞情節。與原報不相符合。顯係爭功支控。伏乞

皇上勅部將愛隆阿嚴加議處。以為軍營造言生事者戒。奏入。

上諭軍機大臣曰。據兆惠等奏稱。愛隆阿呈控伊從

前擒拿巴雅爾。及奪取奇徹布尸骸等事。俱為富德隱匿。今查擒賊功。次已經奏報。而奪取奇徹布尸骸。伊原報並無此事等語。愛隆阿貪功。許告。甚屬器小。理應從重治罪。但伊此次行走。尚為出力。著加恩。免其治罪。所有議敘之處。即著停止。又諭曰。愛隆阿以領隊大臣。在軍前効力行走。已降旨交部議敘。自無可格外加恩。伊乃貪功。許告。其意



以羅卜藏多爾濟普封王爵伊第爾騰敏心懷不  
足耳。殊不思羅卜藏多爾濟係蒙古台吉從軍出  
力。固應加恩。卽循次晉陞。亦其常分。愛隆阿何可  
相比。今但停止議敘。免其治罪。已屬加恩。前曾降  
旨。令在雅爾哈善隊內行走。此次進兵。伊當知立  
功自贖。若不奮勉効力。必將伊從重治罪。斷不寬  
宥。并將此諭諭愛隆阿知之。

平定邊疆事宜

三

諭叅贊大臣雅爾哈善酌留索倫接馬兵丁帶往。  
上諭軍機大臣日雅爾哈善奏於十二月二十日起  
程往魯克察克。前諭雅爾哈善將兆惠所領索倫  
兵一千名帶領前進。此時若已到魯克察克。甚善。  
若尚未到。現有接取解送馬匹之索倫兵丁。雅爾  
哈善卽可存留帶往。一面咨行兆惠於遣來索倫  
兵內。合計所留兵數。裁扣。亦通融辦理之法。併傳

諭兆惠知之。

命將私閱軍臺文報之五十七孛解巴里坤正法  
上諭軍機大臣日據兆惠奏稱查出私閱文報之委  
署臺站筆帖式五十七請卽正法等語。軍臺文報  
關係緊要。五十七以委署筆帖式竟敢私行竊看  
情甚可惡。著將五十七孛解將前項情節沿途通  
行曉示。各臺站人等至巴里坤卽行正法。

平定邊疆事宜

三

諭定邊將軍兆惠等奏報進兵日期。  
上諭軍機大臣日兆惠等從前擬定今年正月內起  
程進兵。今已屆初旬矣。或就馬匹解到。卽行起程。  
或待草青以濟馬力。俱當奏報。軍營奏事。數日不  
至。朕卽爲慮。念雖時當新歲。例有行禮。慶賀等事。  
而伊等在外。時切懸懷。豈以朕爲令節歡娛。竟忘  
爾等耶。朕豈如是之主耶。兆惠富德皆內廷行走

之人。豈不知朕意。伊等理宜用心辦理一切諸務。  
其應行辦理者。卽行辦理。應陳奏者。卽行陳奏。乃  
何以並未奏報。卽如巴圖爾烏巴什身死果實。則  
但餘舍楞等辦理更易。至泉賊烏合。未知哈薩克  
錫喇亦在其內否。或在沙喇罕勒居住。或漸移近  
地。此等情節。兆惠等亦當遣發哨探。緝拿瑪哈沁。  
詢問伊等會否如此辦理。於何時進兵。馬力若何。

平定邊疆事宜

三

俱作速奏聞

甲辰

喀爾喀親王桑寨多爾濟等疏奏逆賊阿睦爾  
撒納出痘身死。

桑寨多爾濟等奏言。本年正月初七日。據俄羅  
斯卑爾噶底爾遣圖勒瑪齊畢什拉等報稱。阿  
睦爾撒納因被追兵所迫。入我交界。湯水殺斃。

我卡倫人等救出。孛迭回伯喇納托爾處監禁。  
旋卽出痘身死。我固伯喇納托爾念與大國和  
好。若但將阿睦爾撒納身死情節。備文通知。恐  
不足取信。今將伊身尸移至我等邊界。大國速  
遣人來。或至塞楞格城。或至恰克圖邊界驗看  
等語。臣等伏思阿睦爾撒納一案。節經理邊院  
行文該薩納特衙門。理應將阿逆身死。備文移

平定邊疆事宜

三

覆。乃伊等邊界頭目。但移知臣等。其中或有別  
情。况伊等並不將同阿逆孛獲之人若干。是何  
名目。或同阿逆尸骸解送與否。現今身尸。或已  
腐壞。或尚完全。分晰具報。殊屬含混。可疑。臣等  
現將此等情節。行文卑爾噶底爾等。令其據實  
聲明。卽派頭等台吉齊班扎卜前往察看情形。  
俟回文到日。具奏。奏入。

上諭軍機大臣曰桑茶多爾濟等據俄羅斯邊界報稱逆賊阿睦爾撒納出痘身死。今將身尸移至恰克圖等處。請遣人驗看等語。看來逆賊阿睦爾撒納罪惡貫盈。身死屬實。林丕勒多爾濟向認識阿睦爾撒納。今天氣尚寒。逆尸想未腐壞。接到此旨。桑茶多爾濟即遣林丕勒多爾濟速往恰克圖驗看。並曉示彼處頭目云爾等念兩國和好。將逆賊之尸送來。以彰信義。大皇帝深為嘉悅。已命理藩院行文爾薩納特衙門。一面命我取逆賊身尸。解送京師等語。如逆尸已到恰克圖。林丕勒多爾濟即取以來。倘伊等謂逆尸在塞楞格城。亦即前往驗看。勿因恰克圖是交界。在彼住候。或伊等祇令驗看。不肯發遣。務宜嚴行曉示。仍先期作速奏聞。委署前鋒參領觀音保前鋒奎思德。以護送恰

聖鑒事 謹奏 具

三

薩克貢馬至京。命在雅爾哈善隊內行走。各賞銀三十兩。乙巳。命卹敘進勦扎哈沁官兵弁。訓諭將軍大臣等。上諭軍機大臣曰據兆惠等奏稱鄂實等領兵追勦。逃往瑪納斯河源之扎哈沁哈勒拜等官兵奮勇。殺賊一百四十餘人。獲馬駝軍器甚多。厄魯特侍衛達爾漢等九人陣亡。侍衛老格等二十六人得傷等語。此次官兵勦賊。甚屬奮勉。厄魯特侍衛達爾漢等。達什達瓦。屬人從前因進勦納木吉庫圖。齊爾斯鄂拓克。戰象尤為出力。是以授為二等侍衛。賞給巴圖魯名號。今奮勇捐軀。深為憫惻。若加恩賞給雲騎尉。令伊子承襲。仍將伊尸口移於察

聖鑒事 謹奏 具

三

哈爾照例安插。并將此旨傳示達什達瓦屬人及軍前厄魯特等侍衛官員。其餘陣亡得傷官兵。俱交部照例議卹。欽此。至此次進勦。正值隆冬大雪之時。馬力自當疲乏。尚能勦賊奏功。使去年進兵若此。何患無成。彼時鄂實係參贊大臣。有事但諒之將軍。不加獎勵。今自知負罪。不敢如去年之互相推諉。是以血前勦賊。朕深悉其隱。著傳諭兆惠等。進兵之時。當似此各知奮勉。不可稍存意見。並將鄂實長罪圖功之處。曉示眾人。鄂實著加恩。授為三等侍衛。朔爾起。端濟布。貞効。力。官兵亦著交部議敘。以示鼓勵。命安插哈爾察海戶口於巴里坤。上諭軍機大臣曰兆惠等奏招降噶爾藏多爾濟之哈爾察海等七十餘口。揀選七人作為嚮導。餘交

聖鑒事 謹奏 具

三

巴圖魯侍衛齊努渾。解送巴里坤候旨等語。哈爾察海等見我九人前往招降。即率二十餘戶歸順。非兵氣迫脅可比。從前因厄魯特等反覆無常。故送往肅州正法。今助惡逆黨。俱多殲滅。此輩原無開緊。當酌量安插。稍給產業。同綠旗兵支領錢糧。以供調遣。使眾厄魯特聞知。猜懼之心稍釋。其藏匿餘賊。自必來投。庶圖圍可以永寧。著傳諭巴里坤大臣等。現在哈爾察海等。即遵照酌量安插。嗣後有似此者。一體具奏。俟事竣之後。量其情節。分別辦理。并傳諭兆惠知之。以逆賊阿睦爾撒納身死情節。諭定邊將軍兆惠等。上諭軍機大臣曰昨俄羅斯報稱逆賊阿睦爾撒納。人伊邊境。出痘身死。將尸送驗等語。看其情節。尚

聖鑒事 謹奏 具

三

非虛假。蓋前此逆賊尚存。俄羅斯未必不思留用。是以遲久未見擒送。今伊已死。留尸無益。又恐反傷和好。因報明送驗。此亦情理之可信者。已遣林丕勒多爾濟往取逆賊之尸。著傳諭兆惠於進兵之便。再留心訪查。使所得信息。與俄羅斯告語相符。則尤確實足信矣。然逆賊阿睦爾撒納雖死。而哈薩克錫喇舍楞等。尚未就擒。兆惠等勿因此稍

至發諭尋獲逆屍

天

有懈。怠務宜加意奮往。速奏膚功。并傳諭雅爾哈善等知之。

丙午

以逆賊阿睦爾撒納身死。

宣諭中外

上諭大學士曰。準噶爾一事。自用兵以來。伊犁既已蕩定。而哈薩克汗阿布賽等。亦輸誠內附。實皆仰

能取信於天朝。而亟亟以獻尸為確據者。夫以阿睦爾撒納之貪殘狡詐。貽害生靈。負恩悖天。良滅絕。即暫逃於顯戮。必難追於冥誅。斷無久延視息之理。其身死。諒無可疑。至俄羅斯之收留叛賊。始末皆不欲撫而用之。及其已死。無可希冀。然後欲出。亦係其實在情節。且彼既以謹守舊約。克全信義為詞。目不當逆料其詐。拒而不受。更行深責

至發諭尋獲逆屍

天

也。况國家之所期。必獲者。不過一阿睦爾撒納耳。今其人已死。其尸已得。準噶爾全局。自可以告厥成功。朕惟以大公之心。為順應之舉。斷不肯恃我國威。誅求過當。萬一所獻不實。意圖欺罔。則其面自在俄羅斯。彼若妄生事端。則朕可以上告

天

地而下對臣民。再興師問罪。亦未為遲。即無知苟安之

荷

上蒼之默佑

列祖之鴻庥。獨因叛賊阿睦爾撒納。逃未獲。以致勞

我師旅。於今年。蓋此賊一日未能成擒。則西事一日不能就緒。不得不極力追捕。以為邊圉久遠之計。非朕之好為窮兵黷武。從前所降諭旨。甚明。去歲聞阿睦爾撒納竄入俄羅斯境內。俄羅斯向

至發諭尋獲逆屍

天

為和好之部。定議彼此不許容留逃人。况阿睦爾撒納罪大惡極。尤非他逃人可比。當令理藩院行文俄羅斯。薩納特衙門。向索今據辦理俄羅斯邊界事務。喀爾喀親王桑寨多爾濟等。奏稱俄羅斯罕爾端底爾差圖勒瑪齊畢什拉等。前來并移文內稱。阿睦爾撒納逃至伊境。渡河被溺。隨經救出。拘禁。旋因患痘身死。今將尸獻出等語。若惟恐不

徒。亦無從讓朕為好武矣。始讓向俄羅斯索取阿睦爾撒納時。眾人之意。未必不稱讚。又生邊釁。是總不知駕馭外藩之道。示之以謙則愈驕。怵之以威則自畏。此二言。若子孫世世能守。實大清國億萬年無疆之祿也。即如漢唐宋明。和親稱藩。歲幣慶禮。是亦遜讓之極矣。而於邊思寧稍救耶。即如俄羅斯既已收留叛賊。若不嚴行索取。彼必不將

至發諭尋獲逆屍

天

尸獻出。設從史貽軍陳世倌所請。且將遷就隱忍。竟若叛賊一入俄羅斯。遂無可如何者。所謂唾面自乾之為朕甚恥之。朕於軍國重務。惟有乘機度勢。因物順理。不但初無薄懲於俄羅斯之心。即此用兵三年。雖未如康熙雍正年間之久。而朕已慮眾人之勞。時切於懷。特因叛賊未獲。萬難中止。初非朕之本意也。向使前後在事諸臣。果能迅合機

二

宜。則叛賊自不至逃竄。亦當早為弋獲。何至輟轉  
愆期。此用人不當。實朕之愧。然統計連年軍典徵  
調。皆出自公帑。不但未加賦閭閻。而賑卹有加於  
往歲。此亦天下臣民所共知者。今逆尸已獲。伊犁  
全部。悉入版圖。務謀耕牧。續成

皇祖

皇考未竟之緒。而自古未通中國之哈薩克。亦皆稱臣

納貢。其於我皇清疆宇式斯。萬年久安之道。為有  
益。為無益。朕亦不更置論。至葉爾羌喀什噶爾等  
回部。原可計日平定。不必更煩動衆。所有阿睦爾  
撒納身尸。俟解到之日。驗明戮示。以彰國憲。先將  
此通行曉諭知之。

臣等謹案阿睦爾撒納貢

思逃叛。聯隊馳走之餘。尚思潛踪煽惑。其住哈薩克

時。即遣人入俄羅斯。冀增彼黨。以通刑憲。且  
其反覆叵測。眾所稔知。若非悉力窮追。或致  
踰伏滋蔓。誠有如

聖諭所云。阿逆一日不除。西陲一日不靖者。乃哈薩  
克既悔過輸誠。驅兇渠於境外。而俄羅斯於  
容納之初。屢詞嘗試。

皇上洞燭情偽。飭索恭嚴。且搜捕餘孽。聲威四訖。阿

逆雖逃。顯戮。遂伏冥誅。其罪大惡極。自不能  
復容於

覆載。於理固實有可懲。而俄羅斯當阿逆尚存。或不免

稍懷觀望。及其既斃。則豈肯因奧腐之骨。致  
失恭順之忱。呈報逆屍。時不容緩。於情更確  
有可信。由此益見

德威昭播。遠服聲懷。尺一所傳。捷於影響。當

柳謀用授之時。彼徃於目睫之見者。方慮索遺寇以  
啟釁端。務為姑息。奚啻夏蟲之不可語冰。今  
恭讀

諭旨示之以謙。則愈驕。怵之以威。則自異。誠為駕馭  
外藩之要道。我  
國家億萬世無疆之福。所當敬守而弗違者也。

丁未

授巴圖魯侍衛老格為二等侍衛。

上諭軍機大臣曰。巴圖魯侍衛老格同鄂實等。追剿  
扎哈沁賊眾。臨陣得傷。洵屬奮勉効力。著加恩授  
為二等侍衛。

平定準噶爾方略正編卷之四十九

乾隆二十三年春正月戊申

申諭和碩齊唐喀祿等搜捕逃賊

上諭軍機大臣曰阿桂等奏稱和碩齊唐喀祿遵旨

將哈薩克使臣送至邊界即前往額爾齊斯之和

尼邁拉呼布空郭勒地方堵截逃賊眾等語著

傳諭和碩齊唐喀祿伊等口糧充足前至駐劄地

至邊界等語

方不可徒為坐守須向各處巡查如有隱匿逃賊

之賊即奮勉擒勦勿致免脫

命賞副都統職銜莫尼扎卜食俸

上諭軍機大臣曰阿桂等奏據軍木楚克扎布報稱

莫尼扎卜等追勦烏梁海鄂木布屬人一百餘戶

惟五戶逃入俄羅斯邊界其餘俱行擒勦將婦女

分賞烏梁海兵丁等語莫尼扎卜招服烏梁海頗

知奮勉今追勦鄂木布屬人又能迅速奏功深屬

可嘉著賞給副都統俸以示獎勵

朕諭哈密貝子王素富隨征効力

上諭軍機大臣曰吳達善等奏稱哈密貝子王素富

呈請帶領回兵一百名隨營効力等語王素富係

回部望族今聞辦理葉爾羌喀什噶爾等回部情

願帶兵効力深可嘉獎著照所請同雅爾哈善額

至邊界等語

敏和卓前往所有應得分例照蒙古貝子賞給回

兵照綠旗兵丁例賞給果能奮勉朕將格外施恩

著吳達善遵照傳諭辦理

訓諭巴里坤辦事巡撫吳達善

上諭軍機大臣曰吳達善奏稱現在辦解馬駝等項

請俟續調馬匹糧餉事竣後再回本任等語軍營

辦理事務必需大員駐劄倘事竣而阿里衮已至

吳達善自可回任若尚未前來則應仍留辦事乃

遠行奏請顯係思家念切遂不覺率爾陳詞豈滿

洲大臣遇事勇往者所宜出此著傳旨申飭

原任藍翎侍衛圖爾番以差看臺站中途回轡

革職來京

命仍以防禦職銜往西路軍營効力

已酉

至邊界等語

諭旨定邊左副將軍納穆扎爾辦理新舊烏梁海等

事宜

上諭軍機大臣曰納穆扎爾所奏莫尼扎卜等追勦

鄂木布屬人將擒獲賊眾分別首從正法治罪及

指給博和勒等游牧歸併管轄屬人等事俱令酌

量辦理莫尼扎卜奮勉効力已加恩令食副都統

俸其餘奮勇得勝人等的賞額定銀兩前諭察達

亮往俄羅斯圖喇探取逆賊阿睦爾撒納信息今

據俄羅斯報知逆賊身故自可無庸前往昨命官

長保所賞賞物即行頒給仍傳諭察達克等以阿

睦爾撒納既死邊界之事全無可慮不過辦理沙

喇壁勒等賊事竣後伊等即永遠安居從前令伊

等游牧內移恐被賊黨攔害今內外皆朕疆土無

可分別所有新舊烏梁海或願在伊舊游牧或於

至邊界等語

現住處所稍向外移俱可再總管那木查爾因出

痘暫留今據伊子報稱身故是否確實著納穆扎

爾查奏

以定邊左副將軍成袞扎布所奏擬宜

諭軍營將軍大臣等

上諭軍機大臣曰成袞扎布奏稱前年投來軍營之

庫車伯克鄂對烏什伯克塞梯巴勒氏噶岱默特

等請交與額敏和卓令其招降舊屬再將軍大臣  
等前往沙喇學勒。經過納林特穆爾圖淖爾等處。  
宜曉示布魯特人等令將霍集占等擒獻等語。成  
察扎布所見甚合機宜。現在雅爾哈善等辦理回  
部。著將奏摺錄寄閱看。并傳諭兆惠若舊伯克鄂  
對等尚在軍營。即送至額敏和卓處。令其招降舊  
部。丹布魯特與回人相善。恐不知辦理緣由。或

五

協助霍集占等。兆惠經過其地。須曉示伊等以準  
噶爾俱已平定。伊犁等處。現在駐兵屯田。哈薩克  
全部歸降。今因霍集占等背叛。與師問罪。恐爾等  
妄生畏懼。其各安居游牧。若霍集占窮蹙來投。即  
行縛送。大皇帝賞格外施恩。亦傳諭雅爾哈善知  
之。

以去年進物情節。

次進兵。能知已過。請事實心辦理。則可若仍趨避  
取巧。朕不能再為曲宥也。

辛亥

以俄羅斯哈薩克情形。

諭副都統順德訥等。

上諭軍機大臣曰。順德訥等奏。葉克明。安德濟  
特以阿賚爾散納之嫂為妻。聞阿逆敗逃。即帶阿

七

逆後妻。自察博羅特入俄羅斯。又哈薩克齊奇玉  
斯之阿布拉該爾人送伊子於俄羅斯為質。阿布  
賽亦近俄羅斯疆界。過冬等語。伊等詢訪之處。自  
屬確實。但現在俄羅斯之畢爾噶底爾。報稱阿逆  
出虛身死。將其尸送驗。則阿逆已伏冥誅。俄羅斯  
亦克全和好。德濟特即風匿其地。亦無能為。自可  
置之。不諭至哈薩克之人。本畏俄羅斯。即如伊等

訓諭將軍大臣等。

上諭軍機大臣曰。朕閱成察扎布所奏。去年進剿。情  
節則兆惠未免巧於趨避。當逆賊阿賚爾散納為  
我兵擊敗。兆惠身為將軍。自應親行追逐。乃駐兵  
濟爾哈朗。惟以勦賊立功。垂名史冊等空言。催促  
富德前往。經朕降旨詰責。伊始帶兵策應。彼時因  
辦事人少。從寬未加深究。至巴圖爾烏巴什等賊。

六

在兆惠等軍營附近。伊並不陳奏。蓋恐奏明。即著  
令擒拏耳。但擒獲巴雅爾。勦殺都爾伯特。納木奇  
等。尚屬奮勉。至朱爾都斯一路。既早得巴圖爾烏  
巴什信息。乃經朕降旨詰問。始行陳奏。在將軍成  
察扎布未面聆訓言。不知事之本末。尚可原諒。舒  
赫德趨懦避事。亦與兆惠相似。其情節早已洞鑒。  
朕辨理庶務。一秉至公。此中外所共知者。兆惠此

前曾向噶爾丹東零納貢。因我師平定。準噶爾即  
率屬歸降。則其與俄羅斯交好。自屬勢宜。然且  
哈薩克若抒誠入貢。自當賞賜。以示殺讎。即不來  
亦無足重輕。伊之畏俄羅斯與否。更無庸介。著  
傳諭順德訥等知之。

命頭等侍衛勞三來京。

上諭軍機大臣曰。勞三奏。今年辦理厄魯特回部

八

恐請派伊於哨探隊効力等語。現在進兵官員。分  
派已定。勞三係烏拉齊等性習。所奏事件。又難繁  
瑣。覽之多不可解。是以諭令來京。面詢哈薩克情  
形。如有伊可効力之處。再行差遣。其奏留軍營之  
厄魯特通事。蔡罕庫本班第二人。亦令帶來。伊等  
俱係巴雅爾扎哈沁屬人。業將伊游牧人等。勒殺。  
恐留彼聞知。不免疑懼。伊等隨軍効力。並無罪過。

朕當酌量加恩。若有妻子。并交黃廷桂查出解送  
來京。

申諭定邊將軍兆惠等進剿舍楞等事宜

上諭軍機大臣曰。順德訥奏據哈薩克多羅特拜巴  
圖爾等告稱。聞巴圖爾烏巴什出痘身死。哈薩克  
錫喇之衆。俱爲嗎哈沁。惟舍楞由車陳哈喇逃往  
沙喇學勒。哈薩克之齊奇玉斯。努爾齊汗兄弟已  

壬子邊疆奏摺卷九 九

兩路帶兵追逐等語。從前朕卽謂沙喇學勒賊衆  
人心涣散。力亦甚窮。我兵一到。即可殄滅。今順德  
訥所奏情形。果不出所料。再據奏稱哈薩克阿布  
勒比斯言。伊帶兵前至伊犁。薩瑪提生詢問。知舍  
楞等雖有萬餘戶。現俱乏食。但不行殄滅。我等游  
牧終不得安。卽不能盡勦。亦必追至葉爾羌喀什  
噶爾布魯特等處。方可結局。於是公同商議。齊奇

玉斯之類。勒里蘇爾統等帶兵萬餘。攻地方。鄂  
爾圖玉斯之薩爾圖根巴圖爾等帶兵二千。由阿  
克陶烏克陶起程。約至克勒布拉克。與哈巴木拜  
會合。搶掠舍楞等。俟春季。事消始回。將所餘厄魯  
特。在何處棲止。知會大兵等語。兆惠等現在軍營。  
於賊衆情形。何以全無信息。今看伊等窮蹙已極。  
勢必互相益竊。戕害。是大兵未到。哈薩克早已停  

壬子邊疆奏摺卷九 十

獲無遺。而兆惠等尙以沙喇學勒賊衆繁多。頗有  
畏難之意。可謂不諳事機矣。又舍楞等或逃向特  
穆爾圖。津爾及特克斯等處。若距軍行遠。卽酌  
遣偏師。前往搜捕。以靖地方。其哈薩克厄魯特交  
界處。恐厄魯特殄滅後。地多間曠。哈薩克不免侵  
越。雖游牧無人在。我亦難盡守。然必先明疆界。或  
哈薩克等尙向將軍大臣懇求轉奏。朕亦可施恩。賞

給方與體制尤協。但不當聽其遽行侵越。或輕易  
給與。亦論兆惠知之。

命差送烏梁海安濟格斯奎於俄羅斯。

上諭軍機大臣曰。烏梁海安濟格斯奎。曾掠俄羅斯  
牧羣。後經富德擊獲。已命理藩院行文。將二人送  
往。今據順德訥奏。因大雪不能行走。暫令帶回等  
語。現在俄羅斯以逆賊阿睦爾撒納出痘身死。將  

壬子邊疆奏摺卷九 十一

尸送驗。外藩尙知守信。則我大國徵送之人。自不  
便久羈。着額爾克沙喇歸途之便。將安濟格斯奎  
帶至烏里雅蘇台。轉交桑寨多爾濟。送赴俄羅斯  
邊界。其各傳諭知之。

命副都統順德訥。在雅爾哈善隊內行走。所奏驍騎  
校頂帶寧古塔雅庫。准其隨帶効力。

壬子。

以請逆賊阿睦爾撒納。始末

宣諭王大臣等

上諭大學士曰。今日王大臣等。以俄羅斯獻出叛賊  
阿睦爾撒納身尸。準噶爾大功告竣。具奏恭賀。武  
問王大臣等。此奏果皆實以爲然。抑或尙有以  
叛賊之死。爲未可信者。耶。在諸臣之或信或不  
信。本亦不足深論。然朕之宵旰憂勤。將以爲邊圉  

壬子邊疆奏摺卷九 十二

久遠之計。而庸懦無識者。或未免還有後言。此  
則不可不明切申諭耳。卽如阿睦爾撒納逃叛之  
初。朕方手勅諸將。銳意追擒。而盛廷之譏。頗有以  
伊犁既已平定。不必窮追爲言者。及其竄入俄羅  
斯。則更束手相視。付之無可如何。若惟恐朕之飭  
索過嚴。以致又改邊界。無論俄羅斯一部。回屬和  
好。彼此不許容留。過人以理言之。固當向索。而叛

賊之奸詐狡詐既入俄羅斯豈能鬱久居又必將為其所用以為哈薩克一帶之患從前屢降諭旨所謂叛賊一日不能成擒則西陲一日不能寧謐者正為此也是以上年論理藩院行文俄羅斯有阿睦爾撒納在彼若能永遠拘禁即不送出亦可之語然俄羅斯既已收留叛賊必且撫而用之又豈肯永遠拘禁耶索之而不獻則其曲自在俄

臣等謹將奏摺

主

羅斯興師問罪固屬事不容已然使竟不向索則彼亦何肯將尸獻出可見駕馭外藩之道威德宜於並用堂堂天朝豈有遷就隱忍苟且自安之理至昨據勞三奏稱德濟特攜阿睦爾撒納之殘妻投入俄羅斯境此則無關緊要留之俄羅斯不過彼處多一養養之人耳若亦嚴行飭索必令轉送是未免深求過當即朕亦難辭好武之名矣朕於

此事乘時酌理惟求協平事機之至當從未敢一成見茲計用兵以來既未多糜帑項亦未勞我民力今逆戶已出伊犁久定哈薩克又輸誠內屬西陲綏靖上綏

皇祖

皇考未竟之鴻模稍可免眾人之浮議朕之願足矣安

可言且現在尚有葉爾羌等回部未經平定及

臣等謹將奏摺

古

哈薩克劬喇等一二逆賊逃竄未獲雖易於經理之事計日可以奏績然朕之日夜籌畫政不以事將就緒而稍懈也因王大臣之奏爰以苦衷示之

奏贊大臣雅爾哈善等疏奏屯田事宜

雅爾哈善奏言臣等遵

旨酌議屯田事宜竊聞額敏和卓之子素賢瑞伯克

托古托之子阿卜都賽等據稱爾展魯克察克

吐魯番除官兵及回人屯種外因水乏無可開墾吐魯番西四百餘里通哈喇沙爾托克三城可得兵丁五百屯種之地水頗充足再哈喇沙爾通庫車阿克蘇大路舊係厄魯特回人墾種約需兵丁二千名以上海都河水甚足烏魯木齊約需兵丁一千名水亦足用等語臣等擬於哈喇沙爾派兵二千四百名烏魯木齊派兵五

臣等謹將奏摺

主

百名增派五百名托克三與爾展魯克察克相近量增兵五百名爾展仍派兵四百名共需兵四千三百名除現在兵丁外已移咨黃廷桂於奏減八千名內先派三千名攜帶牛具口糧前赴魯克察克於三月前趨到計需籽種一千六百石有奇除動用爾展存貯外移文巴里坤大臣速為運送奏人報

聞

癸丑

以回首電集占罪狀

宣諭回部各城

奉

天承運

皇帝勅諭葉爾羌喀什噶爾庫車阿克蘇和闐等城

臣等謹將奏摺

主

之伯克回人等朕為天下共主罔有內外一體撫綏無使失所前因準噶爾亂自相戕害厄魯特等俱不聊生不忍坐視興師平定伊犁擒獲逆天齊就其台吉宰桑等級分封錫爵普加恩養方冀守分安居永享遐福無如厄魯特豺狼成性陰險狡詐逆賊阿睦爾撒納負恩逃叛黨眾附和反覆無常悖逆天理國法斷不可逭因再行進剿以正



刑誅誠以凶頑不除。則邊疆不靖。不得已而出此。皆爾眾伯克回人所深知者。至波羅泥都霍集占兄弟。在噶爾丹策零時被拘於阿巴噶斯哈丹鄂拓克。我兵初定伊犁。釋其囚繫。令為回人頭目。方欲加恩。錫爵授以土田。乃乘厄魯特叛亂。率伊犁回人。逃往葉爾羌喀什噶爾。朕以其或懼厄魯特騷擾。暫避以圖休息。尚未加兵。第遣使招撫。不料

至靈武將軍奏摺 七

竟敢戕害使臣。僭稱巴圖爾汗。情尤可惡。若不擒獲正法。則回眾終不得安生。用是特發大兵。聲罪致討。但聞霍集占起意。倡亂波羅泥都。被迫從行。已命分別辦理。夫伊等以兄弟至親。朕尚較其情罪輕重。期無枉抑。何況爾等回眾。全無干涉。豈有株連獲辜之理。惟是霍集占頗稱奸狡。自知身犯重辟。或圖苟延殘喘。造言惑眾。以厄魯特多被勒

殺為比。殊不思爾等皆無罪之人。朕何忍與叛逆之徒一體誅戮。此次興師。特為霍集占一人。爾等若將霍集占縛獻。自必安妥。如獲。永受殊恩。如執迷不悟。聽從逆首。指使大兵所至。即不復分善惡。悉行勒除。悔之何及。尚其熟思利害。毋自貽悞。特諭。

諭恭贊大臣雅爾哈善等招撫回眾事宜

至靈武將軍奏摺 六

上諭軍機大臣曰。今年進兵。辦理回部。罪在霍集占一人。與屬眾無涉。已命兆惠雅爾哈善等。宣諭招撫。但回人雖較厄魯特稍為安靜。然在噶爾敦世亦恐不免漸染習氣。我兵招撫時。必須詳為審慎。再行安插。即如初定伊犁時。回眾等業皆歸順。後因逆賊阿睦爾撒納中叛。亦皆乘亂逃徙。此皆徂於撫馭未盡軍威。以致猖獗若此。雅爾哈善等

此次進取回城。須申明紀律。使其知畏。庶可消反側。而於安插亦易。亦傳諭兆惠知之。命以欽差大臣關防。給給恭贊大臣雅爾哈善。上諭軍機大臣曰。雅爾哈善奏稱辦理屯田進剿等事。文移往返。必蓋印信。請將巴里坤所有欽差大臣關防賞給等語。此次進兵。以雅爾哈善為將軍。額敏和卓哈寧阿為恭贊大臣。順德納愛隆阿王

至靈武將軍奏摺 九

素高為領隊大臣。當特揀將軍印領發。欽差大臣關防。著暫行取用。俟將軍印到。日將關防留與。示貴定長辦理屯田事務。其關印辦事官員。現請兆惠等酌派數人。交與雅爾哈善。併傳諭知之。申諭定邊將軍兆惠等。協心進剿。上諭軍機大臣曰。據兆惠奏稱。奉到添派綠旗兵進剿回部之旨。候巴里坤口糧馬匹送到。即往勦沙

喇學勒賊眾。再收取其爾羌喀什噶爾等語。昨兆惠以沙喇學勒聚賊萬戶。似有畏難之意。故令其專辦。厄魯特計此時尚未奉到諭旨。然必知賊眾尚易辦理。故如此陳奏。則從前之畏難。益可見矣。去歲將軍成衮扎布等。辦理無緒。朕已分別示懲。兆惠等雖有微勞。但巴雅爾力偶值軍鋒。哈薩克亦久欲歸順。究未能追及阿睦爾撒納。是伊等本

至靈武將軍奏摺 十

無可自矜。將來殲滅沙喇學勒賊眾。後能趕赴回部。更協事機。若謂進兵既有分地。不當分雅爾哈善等之功。則又屬推諉。放習。果能爭先奮勉。何患無成。今命雅爾哈善為將軍。其隨印辦事官員。兆惠等。即於軍營內酌派數人。發往。進剿扎哈沁之署。恭領古爾特等。投職議敘。有差。